



# 881 Starfsábyrgðartrygging félagsmanna í féluginu Viðurkenndum bókurum

## VÁTRYGGINGARSKILMÁLAR

### 1. Almenn ákvæði og lög um vátryggingarsamninga.

- 1.1 Vátryggingin gildir fyrir félagsmenn í féluginu Viðurkenndum bókurum sem hlotið hafa viðurkenningu fjármálaráðuneytisins í samræmi við 43. gr. (grein) laga nr. (númer) 145/1994 um bókhald.
- 1.2 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. 30/2004 um vátryggingarsamninga.

### 2. Gildissvið vátryggingarinnar.

- 2.1 Vátryggt er gegn bótaskyldu, er fellur á vátryggingartaka þegar þriðji maður verður fyrir almennu fjártjóni, sem rakið verður til bókhaldsstarfa vátryggingartaka sjálfs eða starfsmanns hans. Vátryggingin gildir eingöngu á Íslandi.
- 2.2 Með almennu fjártjóni skv. (samkvæmt) 1. mgr. (málsgrein) er átt við tjón sem ekki verður rakið til líkamstjóns eða skemmda á munum.

### 3. Undanskildar áhættur.

- 3.1 Vátryggingin tekur ekki til ábyrgðar, sem rakin verður til:
  - a. ásetnings vátryggingartaka eða starfsmanna hans,
  - b. ábyrgðar sem vátryggingartaki tekur á sig og er víðtækari en almenn bótaskylda á starfssviði hans,
  - c. sekta sem sem falla á vátryggingartaka eða þriðja mann,
  - d. slyss á manni, annars líkamstjóns eða skemmda á munum,
  - e. bókhaldsstarfa vátryggingartaka utan Íslands.

### 4. Vátryggingarfjárhæð.

- 4.1 Ábyrgð félagsins vegna hverrar bótakröfu takmarkast við 3.000.000 króna. Heildargreiðsla félagsins vegna allra bótakrafna innan hvers vátryggingartímabils getur þó ekki orðið hærri en 9.000.000 krónur. Fjárhæðir þessar breytast eftir vísitölu, sbr. (samanber) 12. gr. vátryggingarskilmálanna.
- 4.2 Félagið greiðir kostnað, sem eðlilegt er að vátryggingartaki stofni til vegna ákvörðunar um skaðabótaskyldu eða bótafjárhæð, enda þótt greiðsla félagsins fari af þeim sökum fram úr vátryggingarfjárhæðinni. Sama gildir um vexti, sem vátryggingartaki er dæmdur til að greiða af skaðabótakröfu, sem vátryggingin tekur til.
- 4.3 Sé vátryggingarfjárhæðin lægri en dæmdar skaðabætur er féluginu þó aðeins skylt að greiða þann hluta vaxta og kostnaðar, er svarar til bótafjárhæðar þeirrar, sem því ber að greiða.

### 5. Eigin áhætta.

- 5.1 Af hverju tjóni ber vátryggingartaki eigin áhættu eins og getið er í skírteini eða iðgjaldskvittun. Fjárhæð þessi breytist árlega eftir vísitölu, sbr. 12. gr. vátryggingarskilmálanna.

### 6. Tímatakmörk.

- 6.1 Vátryggingin tekur til skaðabótakröfu gegn vátryggingartaka er til stofnast á vátryggingartímanum.
- 6.2 Skaðabótakrafa telst hafa stofnast við það tímamark að hið fyrra af eftirfarandi tilvikum hefur borið að höndum:
  - a. að þriðji maður gerir skriflega skaðabótakröfu á hendur vátryggingartaka,
  - b. að vátryggingartaka verður fyrst kunnugt um að þriðji maður hefur orðið fyrir fjárhagslegu tjóni, sem kann að verða rakið til gáleysis vátryggingartaka eða starfsmanns hans eða að bein hætta er á að slíkt tjón verði.
- 6.3 Vátryggingin tekur ekki til tjóns vegna skaðabótakröfu, sem stofnast hefur gegn vátryggingartaka á vátryggingartímanum, hafi krafan ekki verið tilkynnt féluginu í síðasta lagi þremur mánuðum eftir lok vátryggingarinnar. Þótt tjón teljist hafa orðið á vátryggingartímanum og það hafi verið tilkynnt féluginu innan þrigga mánaða eftir lok vátryggingarinnar, tekur vátryggingin ekki til slíks tjóns nema vátryggingartaki hafi móttekið skriflega skaðabótakröfu samkvæmt a. lið 2. mgr. og tilkynni það féluginu í síðasta lagi innan tveggja ára eftir lok vátryggingarinnar.
- 6.4 Skaðabótakröfu samkvæmt 2. mgr. sem rakin er til tjóns, er verður hvort heldur skyndilega eða smám saman, bætir félagið ekki hafi tjón orðið að einhverju leyti eða öllu áður en vátryggingartíminn hófst.



# 881 Starfsábyrgðartrygging félagsmanna í félaginu Viðurkenndum bókurum

## VÁTRYGGINGARSKILMÁLAR

### 7. Önnur vátrygging.

7.1 Þegar tjón hefur orðið og í gildi er önnur vátrygging sem tekur til tjónsins, skal uppgjör bóta fara fram eftir því sem mælt er fyrir um í 37. gr. laga nr. 30/2004.

### 8. Ráðstafanir vegna tjóns og greiðsla bóta.

8.1 Jafnskjótt og vátryggingartaki fær vitneskju eða grun um að skaðabótakrafa verði gerð á hendur honum, ber honum að tilkynna félaginu það skriflega.

8.2 Félagið er ekki bundið af því ef vátryggingartaki viðurkennir skaðabótakröfu, nema leitt sé í ljós, að vátryggingartaki gerði aðeins það, sem honum var skyld að lögum, er hann viðurkenndi réttmæti kröfunnar.

8.3 Félaginu er heimilt að greiða skaðabætur beint til þriðja manns (tjónþola), enda hafi hann ekki fengið tjón sitt bætt hjá vátryggingartaka.

### 9. Aukin áhætta.

9.1 Verði breytingar á atvikum eða upplýsingum, sem félaginu hefur verið skýrt frá í vátryggingarbeiðni eða á annan hátt, skal vátryggingartaki tilkynna félaginu um þær. Vanræki vátryggingartaki tilkynningarskyldu sína og verði tjón af völdum hinnar breyttu áhættu lækkar ábyrgð félagsins að tiltolu miðað við þá iðgjaldshækkun sem félagið hefði áskilið sér vegna áhættubreytingarinnar.

### 10. Greiðsla iðgjalds.

10.1 Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjalddögum. Félagið sendir vátryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.

10.2 Sé iðgjald ekki greitt þegar greiðslufresti lýkur samkvæmt 1. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur vátryggingin niður sé iðgjaldið þá enn ógreitt, sbr. þó gr. 14.4.

10.3 Hafi vátryggingartaki ekki samið sérstaklega við félagið um greiðslu iðgjaldsins áður en frestur samkvæmt 2. mgr. rennur út telst það ógreitt, ef það er ekki að fullu greitt þegar fresturinn er úti.

10.4 Krafa um greiðslu iðgjalds er send á heimilisfang vátryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.

10.5 Falli vátrygging niður samkvæmt 2. mgr. skal vátryggingartaki engu að síður greiða iðgjald fyrir það tímabil sem vátryggingin var í gildi. Reiknast þá iðgjaldið sem um skammtímatryggingu hafi verið að ræða.

10.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

### 11. Endurkröfuréttur.

11.1 Bæti félagið tjón, sem þriðji maður ber ábyrgð á, öðlast það rétt vátryggðs gagnvart honum að því marki sem bótunum nemur.

11.2 Félagið á ætíð endurkröfurétt á hendur vátryggingartaka, hafi félagið greitt bætur eftir að vátrygging hefur fallið niður, sbr. gr. 14.4.

### 12. Vísitölubreyting.

12.1 Vátryggingarfjárhæðir samkvæmt 4. gr. miðast við vísitolu neysluverðs til verðtryggingar, grunnvísitala 220.9 stig. Skulu þær breytast 1. janúar ár hvert í hlutfalli við breytingar á þeiri vísitolu. Iðgjaldið og eigin áhætta breytast á sama hátt.

### 13. Fyrning.

13.1 Kröfur sem falla undir vátryggingu þessa, sem og endurkröfur vátryggingafélags, fyrnast samkvæmt ákvæðum laga um vátryggingarsamninga og laga nr. 14/1905 um fyrning skulda og annarra kröfuréttinda.

### 14. Gildistaka og lok vátryggingar.

14.1 Vátryggingin tekur gildi þegar félagið samþykkir vátryggingarbeiðni. Vátryggingin gildir fyrir það tímabil



# 881 Starfsábyrgðartrygging félagsmanna í félagini Viðurkenndum bókurum

## VÁTRYGGINGARSKILMÁLAR

sem tilgreint er í vátryggingarskírteini eða iðgjaldskvittun. Þegar tímabilinu lýkur framlengist vátryggingin um eitt ár í senn nema vátryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils samkvæmt gr. 10.1. Ekki er þó skyld að tilkynna uppsögn fyrir en tvær vikur eru til loka tímabilsins. Sé vátryggingin hins vegar tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis skal uppsögnin ávallt hafa borist félagini í síðasta lagi einum mánuði fyrir lok tímabilsins.

- 14.2 Þegar vátrygging er tekin vegna atvinnurekstrar og svo háttar um reksturinn sem greinir í lokamálslið 1. mgr. getur vátryggingartaki ekki sagt vátryggingarsamningum upp á vátryggingartímanum til að flytja vátrygginguna til annars félagsins.
- 14.3 Vátryggingunni lýkur, hafi vátryggingartaki sagt sig úr Viðurkenndum bókurum eða félagsaðild hans fallið niður af öðrum orsökum.
- 14.4 Nú hefur vátryggingaratburður orðið, sem leitt hefur til alvarlegs trúnaðarbrests milli félagsins og vátryggingartaka, eða áhættumat, sem er til grundvallar vátryggingunni og iðgjald miðast við, hefur gerbreyst, er félagini þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja vátryggingunni upp. Skrifleg uppsögn skal fara fram án ástæðulauss dráttar eftir að félagini varð kunnugt um atvik sem veita því rétt til uppsagnar. Félagini er skyld að endurgreiða hlutfallslega iðgjald fyrir þann tíma sem eftir er af vátryggingartímabilinu.
- 14.5 Enda þótt vátryggingin sé fallin úr gildi, ber félagið ábyrgð gagnvart tjónþola (þriðja manni) á hverju tjóni, sem rekja má til tjónsatvika, sem verða þar til fjórar vikur eru liðnar frá því að félagið tilkynnti vátryggingartaka og Viðurkenndum bókurum að vátryggingin væri fallin úr gildi, nema önnur fullnægjandi vátrygging hafi verið tekin fyrir þennan frest.

## 15. Meðferð ágreiningasmála og varnarþing.

- 15.1 Verði ágreiningur um vátrygginguna skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningum sem Ísland er bundið af.
- 15.2 Ágreiningi varðandi vátryggingarsamning og bótaskyldu félagsins að öðru leyti má skjóta til úrskurðarnefndar í vátryggingamálum. Upplýsingar um nefndina og starfshætti hennar má fá hjá félagini.
- 15.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af vátryggingu þessari, skulu rekin fyrir Héraðsdómi Reykjavíkur. Félagini er þó einnig heimilt að höfða mál út af vátryggingunni á heimilisvarnarþingi vátryggingartaka.
- 15.4 Heimili félagsins og varnarþing er í Reykjavík.

## Skráning í tjónagrunn Creditinfo Lánstrausts hf.

Tjón sem tilkynnt eru til vátryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálfyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við vátryggingarsvikum og ofgreiðslu vátryggingabóta. Skráðar eru upplýsingar um kennitölu tjónþola, tjónsnúmer, tegund vátryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins vátryggða, s.s. skráningarnúmer örutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunnum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 15. janúar 2019.